


Schnitzelbank Sabrenas 2022

www.sabrenas.ch




Wassergebühre

D'Wassergebühre werde neu erfasst,
elektronisch us em Auto use, so macht mes hüt, das passt.
Dermit will der Zumbach Stüürgelder spare
und mir wüsse endlich, für was die umefahre.




20 km/h

Langsam fahre, das brucht sini Zit,
mit 20 km/h, das isch nit numme nüt.
Eso chönne die vu der Gmeind, du i has begriffe,
neb em Umefahre tatsächlich nümme gross schaffe.



Parkplätz

Dr Parkplatz bim Coop bewegt eusi Welt,
will s'ichaufe goht wege dem glii ins Geld.
Derzue fehlt der Migros und der Rickenbacher -
trotzdem han ich Übergwücht und der Ranze wird nit flacher.



Gummihals

Bis vor Churzem, dra denke fällt eim schwer,
lisch als Liebe und Nette völlig quer.
Doch bi de Wahle gönne die, gnissee Sympathie,
jetzt will sogar der Glarner e Liebe, Nette sii.



Guete Rotschlag zu der fremde Hilf

Immer wieder isch's e Budget-Poschte,
will EDV und Computer eifach soviel choschte.
Compi-Fuzi sind Schlitzohre, e Tipp an dere Stell:
Hallo Gmeind, Windows 98 isch nümme aktuell!



E Indianer kennt kai Schmerz

Viel sind zartbesaitet, ungeniert ganz offe,
traumatisiert, gfühlti Chälti, wirklich tief betroffe.
Das ghörsch oft, e Schüpsli und d'Lüüt sind us em Lot,
drum schlöni vor, dass nebe jedem Bänkler grad au e Care-Team schtoht.



Neuplanig Campingplatz

Der Camping und Gülle selle anderscht werde,
dört isch schliesslich der schönschti Platz uf Erde.
Wenn vollbsetzt und am Schönschte d'Aaschprüch nit erfüllt
isch's wahrscheinlich Wahnsinn wo im Hirni plant und drüllt.



Chinderfasnacht und Fasnachtsfüür nit verpasse!